



Broj: 01-50-1-1840/23

Sarajevo, 22. 9. 2023.

PRIMLJENO: 26-09-2023

Organizaciona jedinica	Klasifikaciona oznaka	Redni broj	Broj priloga

Na osnovu člana 86. stav (1) Poslovnika Predstavničkog doma Parlamentarne skupštine Bosne i Hercegovine („Službeni glasnik BiH”, br. 79/14, 81/15, 97/15, 78/19, 26/20 i 53/22), Kolegij Predstavničkog doma Parlamentarne skupštine BiH, radeći kao komisija u kojoj su: Marinko Čavara, predsjedavajući, Nebojša Radmanović, prvi zamjenik predsjedavajućeg, i Denis Zvizdić, drugi zamjenik predsjedavajućeg Predstavničkog doma Parlamentarne skupštine BiH, Predstavničkom domu Parlamentarne skupštine BiH podnosi

IZVJEŠTAJ

o nastojanju za postizanje saglasnosti o prijedlogu zaključaka poslanika Jasmina Emrića povodom rasprave o interpelaciji poslanika: Šerifa Špage, Edina Ramića, Midhata Čauševića, Šemsudina Dedića, Safeta Keše, Nermina Mandre, Amora Mašovića, Šemsudina Mehmedovića, Denijala Tulumovića, Milana Dunovića, Vlatka Glavaša, Zlatana Begića, Jasmina Emrića i Elvise Hodžić

Članovi Kolegija Predstavničkog doma Parlamentarne skupštine BiH, radeći kao komisija, nisu postigli saglasnost o prijedlogu zaključaka poslanika Jasmina Emrića povodom rasprave o interpelaciji poslanika: Šerifa Špage, Edina Ramića, Midhata Čauševića, Šemsudina Dedića, Safeta Keše, Nermina Mandre, Amora Mašovića, Šemsudina Mehmedovića, Denijala Tulumovića, Milana Dunovića, Vlatka Glavaša, Zlatana Begića, Jasmina Emrića i Elvise Hodžić, koji na 11. sjednici Predstavničkog doma Parlamentarne skupštine BiH, održanoj 21. 9. 2023, prilikom glasanja nisu dobili entitetsku većinu.


Prijedlog zaključaka glasi:

1. Predstavnički dom Parlamentarne skupštine BiH traži od Tužilaštva BiH da provede istragu o provođenju Zakona o zrakoplovstvu Bosne i Hercegovine („Službeni glasnik BiH”, broj 39/09) i ostalih propisa zasnovanih na tom zakonu, kao i Pravilnika o odobravanju letova („Službeni glasnik BiH”, broj 53/18) u predmetu letenja helikoptera Super Puma Ministarstva unutrašnjih poslova Republike Srbije, koji je 24. 7. 2023. ušao u zračni prostor Bosne i Hercegovine, zatim 25. 7. 2023. izvršio više letova u zračnom prostoru Bosne i Hercegovine, te da u slučaju postojanja obilježja krivičnog djela protiv odgovornih i službenih lica pokrene krivični postupak.
2. Predstavnički dom Parlamentarne skupštine BiH zadužuje Ministarstvo vanjskih poslova BiH da uputi diplomatsku notu Republici Srbiji kojom se ukazuje na prekršene diplomatske procedure i narušavanje suvereniteta i teritorijalnog integriteta zračnog prostora Bosne i Hercegovine od strane njihovog državnog zrakoplova, helikoptera Super Puma Ministarstva unutrašnjih poslova Republike Srbije, a koji je 24. 7. 2023. protuzakonito ušao u zračni prostor Bosne i Hercegovine, te 25. 7. 2023. nelegalno izvršio više letova i operacija u zračnom prostoru Bosne i Hercegovine.

Također, ovom diplomatskom notom, radi razjašnjenja cijelog slučaja, kako se ova praksa ne bi više ponavljala, treba predložiti provođenje zajedničke i međunarodne istrage."

Kolegij Predstavničkog doma Parlamentarne skupštine BiH sastavio je o tome izvještaj.

Izvještaj se upućuje Predstavničkom domu Parlamentarne skupštine BiH u skladu s članom 86. stav (3) Poslovnika Predstavničkog doma Parlamentarne skupštine Bosne i Hercegovine.



Predsjedavajući
Predstavničkog doma
Marinko Čavara

Prvi zamjenik
predsjedavajućeg
Nebojša Radmanović

A handwritten signature in dark ink, appearing to read "Nebojša Radmanović", with the number "88" written below it.

Drugi zamjenik
predsjedavajućeg
Dr. Denis Zvizdić

A very faint handwritten signature in dark ink, appearing to read "Dr. Denis Zvizdić".